

虞山書院志序

虞山耿侯庭懷為令數年政化行矣教  
事具歲嘗脩建虞山書院與諸縉紳先  
生若群弟子遊書院初祠吳公言游以  
虞山其里也已乃增設堂廡由孔子上  
溯伏羲下迄我

明得聖賢若干人各肖像室中而孔門自



顏魯外特宗言游他不與焉以虞山專  
祀故書院春秋有祀祀有詩歌朝夕有  
業業有考校射有圃講有堂聞其風聲  
即古人絃誦書禮之遺宛然見之可謂  
斌斌大盛今春庭懷過延陵因持院規  
諸篇視余余乃喟然嘆曰世方悠悠委  
學不譚今庭懷何卓然也且世之不譚

學也亦非無故曩亦有一二學宿高樹  
前茅而言是行非其身不免為世詬病  
至令人視道學一途若取名取官捷徑  
然而矯枉之士寧閉戶巖居以爲恬脩  
而終不敢佞顏色于人之耳目盖有激  
然也今庭懷銳意道術大爲科條其誠  
狹恬脩而不忍出耶抑亦有所自信而

不虞乎人之詬且病耶夫自信者必其  
流思之豈弟精慮之純一持規之嚴潔  
見義之闕明有脩在言前神孚教外者  
而後詬病無從生又必其獨慊吾心之  
真是默符千古之聖神而後不知者之  
詬病勿為玷也不然其猶不若恬脩者  
之完也夫有所自信而不忍求爲完吾

故甚爲庭懷健雖然彼恬脩者豈其無  
善世之心要以蘊積有本施出有次治  
已而徐可及物內韜而久乃愈章也今  
夫登高而望人指者多離火彌遠為映  
彌大必欲善世無窮寧唯是一時之建  
設與百具之張皇而已哉庭懷行矣倦  
倦前事而永思不亡何其懇也庭懷能

終自信所為澄心而證無愧聖賢者常  
如虞山時澡身而游儼趨宮墻者常如  
虞山時吾乃更為庭懷躓一不然而持  
悠悠之議者滋藉口耳夫使虞山之人  
士永有望依而回遠之間虞山者永有  
所以則效則庶幾茲舉之不為譚學詬  
病乎庭懷其志之若夫大道可偕而狷  
狹難安據清澗而辭朝宗者非情也吾  
又願與庭懷交志之至欲來者之繼與  
虞人士之風厲則庭懷與諸先生言具  
矣余不復云

賜進士及第右春坊右中允兼翰林院編  
脩編纂

起居管理

誥勅畏陵孫慎行撰



虞山書院志序

天下之普汎無私者道也專壹有  
方者學也道則匹夫匹婦無不該  
而學則君子事也君子學又以教  
天下之不學故曰學者覺也不獨  
自覺還以覺人也言夫子之言曰  
君子學道則愛人小人學道則易

使夫小人之于學豈亦致之斲之  
莊坐雅讀而學之與不過聞所聞  
焉見所見焉而善念勃然興非心  
瞿然化矣彼君子之學其興起於  
先王景行于前哲亦何以異此然  
則學不在誦讀而在此勃然瞿然  
者也此勃然瞿然者又必有觸而  
動故君子欲移天下之心志必先  
正天下之見聞欲正天下之見聞  
必先導之以禮樂如入廟思哀過  
闕思敬哀與敬非吾心與何待入  
廟過闕而後動也夫安有宮牆萬  
仞入其門升其堂見宗廟百官之  
森列而不欽容易志者見學士先

生之盤辟有禮誦說先聖闡發道  
義而不悚然承聽者入而歛容出  
而戲渝聞教而竦聽私居而無所  
不為嗟乎是亦非夫矣君子不忍  
以此概天下也故學必有講必有  
有會必有堂所以為節禮樂端  
見聞移心志之具也虞山故有書  
院因先賢言子舊祠云祠起于有  
宋院建于有元盛于

國朝世廟時而毀于江陵相之當國  
院毀而祠以先賢故得不毀今河  
間

耿侯來令常熟慨然以表章先賢  
興起後學為已任考故址而鼎新

之名曰虞山書院所建有講堂有  
經房有精舍經房以奉先聖精舍  
以尚友諸子各繪其象而鑄之各  
有贊辭有所北面有所比肩以示  
顛學之有在規制備宗統明矣則  
與諸縉紳先生青衿之士約為文  
會為講會、有期及期即四方同  
志之士皆至推有道術者主盟隨  
問剖折有所發明揆之筆記皆可  
印證聖學而其進退揖讓彬彬、焉  
雍、焉有禮節樂和之意足使人  
聞且見之而勃然興瞿然化者矣  
諸友慮其久而或湮為誌、之自  
形勝執文建置之屬凡若干卷犁



然大備屬不佞以誠序之又申之  
曰言夫子之在聖門顏魯之亞也  
曩宗像誌中已見大意子謂何如  
不佞伏思之先賢所謂文學之選  
也然文為何物學為何事必有見  
道者存且當時及門諸子仕于列  
國不過富強取效誰能以禮樂淑

人如先賢者禮樂本于中和中和  
本于性命不能有之誰能似之夫  
有虞帝之盛也周南王之隆也然  
問其治不過曰舞干羽于兩階不  
過曰男女異路頒白不提挈士讓  
為大夫大夫讓為卿而有苗來格  
虞芮質成化之四訖若彼武城絃


歌何多讓焉故一禮樂也為之堂  
上而達之天下者有虞與周南也  
化于境內阻于境外者武城也千  
載之下其使人聞風而興起一也  
夫子喟然于春風沂水之曾點莞  
爾于割雞牛刀之言子不言之意  
千載誰知夫君子之教不能及于  
當世則以待後之聞風者不能遍  
于天下則姑就吾身之所及者虞  
山之有會宥有志者亦以意也  
後之人聞耿公之風而興起焉安  
測其教之所至哉不佞不及講席  
之末不敢淺言聊叙耿公立教之  
意以自附于執鞭云

雲間張以誠頓首拜誌



書院基四址丈尺總圖

文學里官街





白書院門西至察院東墻長肆拾捌步



文學里





言子祠圖二





絃歌樓圖三



射圃圖四



講武廳圖五







讀書臺圖六



文  
武  
泉





虞山書院志目錄

第一卷

地勝志 古蹟志 建置志

第二卷

先賢志

第三卷

祀典志 宗像志

第四卷

院規志

第五卷

文移志 官師志

第六卷

書籍志 什器志 樹藝志 院田志

第七卷

會語志 官師  
教主

第八卷

會語志 大會一  
大會二

第九卷

藝文志一

第十卷

藝文志 三  
四

虞山書院志卷之一

毘陵孫慎行聞斯甫裁閱

雲間張 鼐世調甫叅閱

吳郡王穉登百穀甫

邑人錢時俊用章甫

雲間俞汝楫仲濟甫

邑人孫 森子桑甫

翁應祥兆吉甫

邵 濂茂齊甫

馮復京嗣宗甫

言 禧仲淳甫同校閱

嚴 柟棟孺校梓

### 地勝志



張鷟曰濱海而國曰虞其山曰虞山皆以虞仲傳也或曰商巫咸居虞山在虞仲前虞仲讓國居其地爲商逸民後七百年而言子出則地之勝又以言子傳矣嗟乎桑滄有改山陵可移古來靈異之區埋沒莫可記者多矣


而茲山之勝代封而識之以迄于今夫地靈安能以久特聞亦千年人心自有虞仲言子者在而表章之不能已只此一點不因滄改不逐陵化山非山水非水也令公輯而新之爲書院堂圃樓臺罔不增而飾焉以傳其勝夫此邦之人善讓而彬彬有文學其素也令公直欲引其千年來表章一念而使人人識其所爲言子虞仲者以歸之於聖人是令公之紀勝又不在山水靈異之間也志地勝

虞山書院總圖



Blank columns for text, separated by vertical lines.







達觀亭



仲雅寨



俞汝楫曰按舊志虞山長一十八里其高處  
江外諸山皆可見以邑城形勢度之山在城  
外者什之九而內居什之一如拂水楊家諸  
巖桃源破龍諸澗維摩中峰諸寺或遙瞻滄  
海或平挹湖光或曲徑通幽或層巒聳碧未  
易枚舉皆城外之勝也城以內達觀亭最勝  
從亭上望尚湖昆湖正如兩片水盤浮動左  
右亭西有清權祠祀商逸民虞仲以仲墓在  
亭之左也山南麓有巫咸祠史記載咸及子



賢皆居虞沒葬虞山至今吊古者猶得見商  
賢相之墟焉祠之東古檜七株爲蕭梁時所  
植蒼蓋虬枝莫可名狀檜之北有丹井井迤  
西有大石皆可棲而可憑者由清權祠東折  
而南卽子游墓從墓而下數十步有影娥川  
昔人于此作亭爲文士遊憩之所今亭廢矣  
一水尚泓然可掬從墓道西折而南百餘步  
爲初平石俯瞰虞城參差萬瓦如鱗如櫛更  
南數十步爲石梅礪舊志云石壁峭立有梅

生石罅中故名書院在山之麓當虞仲子游  
兩墓間直下三百步許南爲文學里迤北西  
入堂室精舍與言子祠傑然鼎峙從言子祠  
出游藝門北通射圃南達講武廳而中爲絃  
歌樓樓高三十餘尺山南諸勝始畢獻目前  
西望讀書臺古木參差嵐光樹色互相映帶  
右出樂壽門忽得山坡數萬株循松徑度小  
橋登臺視樓直可俯而憑耳臺左有泉樓前  
有池池曰洗硯泉曰文武相傳爲焦尾溪遺

派蓋城內山南一隅其古蹟若亡若在地勢  
忽高忽平踈莽蔥鬱泉石祠宇分奇綴勝而  
書院成遂全收諸堂室之中亦虞山有靈秘  
此勝地以開千萬年道脉之傳也若過子游  
墓以北崇山幽谷不乏名區于書院罕所關  
係茲不贅云

### 古蹟志

張鶴曰人傳而地傳地傳而蹟傳蹟之傳不  
如其人之親也然而因蹟以識不忘夫攷蹟  
于丘莽土石之間如三家村人看三代法物  
渠能辯其真哉雖然蹟人之標影也凡標影  
不可繫人心而亦可以指人心令人心知古  
人之蹟不遠而風俗變化以幾于古之希夷  
而穆穆者是亦蹟之所留也已嘻若以蹟觀  
丘莽土石若不以蹟觀對面古人是令公之

意也夫志古蹟

# 虞山

虞仲嘗隱此山故曰虞山越絕書云虞山巫咸所居或殷商時已稱虞山矣下有尚湖相傳太公尚嘗釣于此嘉靖中據山之東南築城今虞仲子游墓俱在城內

## 言子墓

史記吳世家注子游墓與仲雍塚並列又索隱云仲雍塚在常熟西虞山上與言偃塚並列吳地記云仲雍墓在虞山東嶺今書院在

墓南二百餘步登絃歌樓仲雍言子二墓俱在望

### 墨井

按舊志井在縣治北一百九十步吳地記云言偃宅有井井邊有浣衣石故物也輿地志以爲梁蕭正德爲太守取石去今井雖在然民居環繞不可睹丙午邑令耿 玠絃歌樓于書院西邑人知縣徐待聘作井樓前仍舊名立碣其上

### 子游東巷

在縣治之北景言巷後

### 子游西巷

在縣治西北寺巷之後

### 景言巷

在縣治後舊墨井在此井大而水黑

### 景言閣

在縣治後與景言巷相接寶慶丙戌縣令惠疇建今廢

子游闕里坊

在阜民門內今在

文學坊

在文學橋西今廢

文學橋

在縣治東北子游東巷口舊名言偃橋宋慶曆五年錄事夏秀建洪武間里人陳貞重建今在按圖經言偃橋在縣東一百五十步文學橋在縣東北一里前志并二橋爲一宋

壺山黃士毅有銘載在莒文志中

吳公祠

宋慶元間邑令孫應時于學宮東偏作堂奉祀子游新安朱熹撰記因名吳公祠今在言氏家廟

弘治間縣令楊子器卽言氏之居爲廟以祀先賢在縣治東北一里許名言氏家廟今在文學書院

虞山有言偃墓至順間邑人曹善誠去墓二

百餘步卽山麓建文學書院祀子游建祠肖像比白鹿睢陽有贍田若干畝年遠而廢嘉靖間邑令王叔杲益闢地增置號舍書樓爲一邑巨觀萬曆庚辰江陵相議毀天下書院有司漫不經意豪右利其所有遂毀僅存一祠乙巳縣令耿 倡率士民重建更名曰虞山書院詳建置志中

### 莞爾亭

在致道觀來雲石上邑人都御史陳察撰記

今廢

### 致道觀

觀在虞山南麓今書院之西梁天監二年建內古檜七株蕭梁所植也其後卽昭明太子讀書臺

### 觀德堂

在虞山東南麓舊三皇廟址也正統間廢弘治間縣令楊子器卽其地爲射圃提學御史陳琳講射于此顏曰觀德堂舊北向萬曆丙



午縣令耿 重建改西向更名智聖堂在絃  
歌樓後詳建置志中

### 絃歌館

在縣治西南二十步許令葉凱易名百花堂  
後改賞心亭今廢

### 興賢池

在虞山乾元宮左宋嘉定中浚池得石刻有  
興賢池三字水清不涸

### 讀書臺

在致道觀東北梁昭明太子蕭統所築崇址  
尚存弘治間縣令楊子器作亭其上後令沈  
弘彞重建邑人都御史陳察撰記地僻人稀  
未久而廢萬曆丁未邑人知府嚴澂重建以  
其壤接書院也詳建置志中

### 影娥亭

言子游墓道下有清水一泓名曰影娥川弘  
治間建亭其上今廢

### 巫咸祠

在宋與子游並祀學宮鄉賢祠中嘉靖間巡撫都御史陳祥以巫氏父子爲商賢相宜有專祠于致道觀東建祠有司春秋行祭祀堂室俱美爲練兵官所居萬曆丁未縣令耿闢書院右隙地構講武廳以居練兵官仍以祠祀巫咸詳建置志中

### 清權祠

在虞山北麓傍仲雍塚成化間提學御史婁謙建弘治間御史劉廷瓚改建于乾元宮之

### 右今與弦歌樓相望

### 六先生祠

在禮殿東宋端平縣令王煥建以祀濂溪橫渠明道伊川晦菴南軒者祠久廢今周程張朱五先生俱刻像精舍中

### 尚湖

相傳太公尚父居東海之濱嘗釣于此因名尚湖虞山橫列如障而湖亘其下朝霏夕陰氣象千變從書院後循岡南顧全湖勝槩恍

存眉睫間

建置志

張鹵曰凡書院宮室之制皆以明教也亦猶  
工之肆賈之市也尊所宗而祠之集衆明大  
禮而堂之扼勝而爲之樓群居樂聚而爲房  
爲舍爲圃安而習之之道也夫經始者亦有  
苦心焉工鳩于肆而不習規矩則肆淫場爾  
賈在市而不務奇贏之筭也市其不爲冶遊  
之塗哉夫作始而新之不日而觀其成者亦  
邑士大夫之精神與令公至通徹也入廟而

欽可謂至于斯者無此一段精神哉會得則  
墻壁瓦礫皆有生意爾不然崇崇義義指爲  
虞山一土木盛事如父兄堂構而子弟日偃  
臥遊戲其間終日不料理一家事是亦不能  
有其堂構者也至于斯者可懼也志建置

學道堂在言子祠之東凡三楹內奉石刻孔子  
像軒三楹又前軒三楹顏曰願學孔子像兩  
旁有耿令公堂記堂規二碑兩旁俱有門入  
體聖堂堂左有門入友顏精舍右有門入友  
曾精舍左北又有門有廊入友邵精舍轉入  
友董精舍堂前月臺縱貳丈貳尺橫參丈玖  
尺前爲甬道三縱參丈參尺橫肆丈柒尺臺  
左由規矩門入友張友朱友陸友陳友薛五  
精舍右由準繩門入友胡友王二精舍由角

門入言子祠甬道左有友思精舍右有友孟  
精舍

規矩門在學道堂東

準繩門在學道堂西

富美門學道堂之前中門也外顏曰富美內顏  
曰欲寡其過

角門二在富美門左右

淵源池當富美門之前

知津橋在淵源池上

得門凡三楹在知津橋之前門房左右各一碑

亭左右各一

左碑亭三楹內立撫臺周 操臺耿 按臺

楊 內閣申 王 太常劉 吏部許撰文

右碑亭三楹內立給諫侯 吏部顧 太常

顧 給諫翁撰文

常熟縣地里圖碑

大中館凡三楹在淵源池之左南向內有耿令  
公館記二左右房各一左爲柱下從風右爲

天竺歸命共一庭庭縱貳丈柒尺橫伍丈玖尺有舊井一眼

斯受門大中館之外門也南向

虞山書院門凡一楹臨文學里街東向左有守院房三楹

文學里門在文學里街南口

體聖堂相連學道堂後縱二楹世所謂川堂者是也

有本室相連體聖堂後凡三楹內有耿令公室

記室規二碑後有庭縱壹丈玖尺橫柒丈貳尺植桂甚多室前循堦左入友董精舍右入友周精舍前卽爲體聖堂堂室洞開如一以食衆賓

友顏精舍在學道堂之左一楹內奉石刻顏子像庭縱壹丈貳尺橫壹丈貳尺此舍與學道堂相連

友曾精舍在學道堂之右壹楹內奉石刻曾子像庭縱壹丈貳尺橫壹丈貳尺此舍與學道

堂相連

友思精舍在學道堂前甬道之左西向內奉石  
刻子思像凡三楹庭縱參尺橫參丈庭外有  
門

友孟精舍在學道堂前甬道之右東向內奉石  
刻孟子像凡參楹庭縱參尺橫參丈庭外有  
門

友董精舍在有本室之左內奉石刻漢儒廣川  
董子像庭縱貳丈陸尺橫貳丈肆尺庭左有  
門東入友邵精舍南達學道堂北通東廚房  
一路有廊七楹

友周精舍在有本室西內奉石刻宋儒濂溪周  
子像庭縱貳丈陸尺橫壹丈玖尺庭右有門  
南入友程精舍北通西廚房以上二舍俱與  
有本室相連

友邵精舍在體聖堂東南凡三楹南向內奉石  
刻宋儒堯夫邵子像前有庭縱壹丈捌尺橫  
參丈後有軒一楹曰安樂窩軒左右有庭植

桂庭縱廣各玖尺

友程精舍在體聖堂西南凡三楹東向內奉石  
刻宋儒明道伊川二程子像庭縱參尺橫貳  
丈陸尺南達浴房北通廚房俱有門

友張精舍在學道堂東凡三楹南向內奉石刻  
宋儒橫渠張子像庭縱壹丈壹尺橫貳丈柒  
尺

友朱精舍在友張精舍之前凡三楹南向內奉  
石刻宋儒晦菴朱子像庭縱壹丈壹尺橫貳  
丈柒尺

友陸精舍在友朱精舍之前凡三楹南向內奉  
石刻宋儒象山陸子像庭縱壹丈壹尺橫貳  
丈柒尺

友薛精舍在友陸精舍南凡三楹南向內奉石  
刻明儒敬軒薛子像庭縱壹丈壹尺橫參丈  
友陳精舍在友薛精舍南凡三楹北向內奉石  
刻明儒白沙陳子像此與友薛精舍共一庭  
友胡精舍在學道堂西南凡三楹南向內奉石



刻明儒敬齋胡子像庭縱玖尺橫叁丈貳尺  
友王精舍在友胡精舍之南凡三楹北向內奉  
石刻明儒陽明王子像與友胡精舍共一庭  
厨房二一在友邵精舍之後凡三楹庭縱壹丈  
叁尺橫叁丈壹尺庭有新井一眼後有街縱  
伍尺伍寸橫叁丈壹尺一在友周精舍之右  
凡一楹房後有庭縱陸尺橫玖尺  
浴房一楹在友程精舍之南北向有庭縱玖尺  
橫九尺

茶寮一楹在友顏精舍之東北向

言子祠凡三楹內奉先賢言子塑像祠前軒一  
楹顏曰南方精華庭縱叁丈伍尺橫叁丈陸  
尺

楊公祠凡三楹在言子祠前之左西向內奉前  
賢侯慈谿柳塘楊公子器牌位

王公祠凡三楹在言子祠前之右東向內奉前  
賢侯永嘉陽谷王公叔杲牌位以上二祠與  
言子祠共一庭

莞爾門祠之前中門也凡三楹

言祠外門凡一楹顏曰言子祠在莞爾門之前  
守祠房一楹在門右

方塘在言子祠前東西南北各捌步

言祠奉祀房凡三楹在祠之後以棲言氏子孫  
之讀書者庭縱一丈一尺橫一丈一尺

養賢倉凡三楹在奉祀房之西東向以貯公田  
米者庭縱一丈一尺橫一丈一尺左有看倉  
房一楹共一庭

游藝門從言子祠前折而北行十餘步有門西  
向曰游藝絃歌樓射圃諸處俱由此入

絃歌樓在言子祠之西北上下各三楹庭縱陸  
丈橫肆丈玖尺六經房在焉

墨井在絃歌樓中庭之東偏按志子游墨井在  
縣治後入民居已久不可復此井係新鑿其  
水甘冽可飲

易經房凡三楹內奉石刻伏羲小像在絃歌樓  
之左南向門西向庭縱壹丈伍尺橫貳丈玖

尺

書經房凡三楹內奉石刻堯舜小像在易經房之前南向門西向庭縱壹丈伍尺橫貳丈玖尺

詩經房凡三楹內奉石刻文王小像在書經房之前經正門之左南向門北向庭縱壹丈肆尺橫參丈玖尺

春秋房凡三楹內奉石刻孔子小像在經正門之右南向門北向庭縱壹丈參尺橫肆丈

禮經房凡三楹內奉石刻子游像在春秋房之後南向門東向庭縱壹丈伍尺橫參丈貳尺樂經房凡三楹內奉石刻子游小像在禮經房之後絃歌樓之右南向門東向庭縱壹丈貳尺伍寸橫貳丈玖尺右有廚房二間

經正門凡三楹絃歌樓六經房之外大門也洗硯池在經正門前講武廳後東壹拾壹步肆尺西拾貳步南壹拾捌步肆尺北壹拾捌步參尺有洞西通文武泉

樂壽門由經正門而西臨文武泉此門當虞山之麓

射圃當言子祠學道堂絃歌樓之後橫列東壹拾伍步貳尺西壹拾捌步南北各柒拾貳步東臨文學里街西爲山麓

智聖堂凡三楹在射圃東頭西向

觀德門在易經房之東入射圃之門也

射圃坊在圃之西頭此亦門也然不可開開則羊豕馬牛羣聚于此往年射圃旋輿旋廢可

爲殷鑑况射圃當書院之背關係尤重

講武廳凡三楹在洗硯池之前南向庭縱伍丈柒尺橫伍丈左有寢房五楹庭縱參丈伍尺橫參丈僕房三楹與門房相對

臥鼓門講武廳之外門也凡一楹西向外有守樓房二楹東向

文武泉當樂壽臥鼓兩門西北受北來山上諸水

讀書臺梁昭明太子舊臺也在絃歌樓之西建

亭其上內奉石刻昭明像有碑記三週圍墻  
貳拾柒丈

尚友門讀書臺之外門也凡三楹東向顏曰昭  
明遺構前有路透迤東達樂壽門凡捌拾叁  
丈

扁聯附

學道堂

巡撫周公孔教題

君子學道則愛人 小人學道則易使

縣令耿公橘題

孔子學何學曰聖與仁是時習之悅悅斯朋  
來之樂樂斯 孔子道何道曰一以貫之多  
學而識識此忠恕而行行此

姑蘇管志道題

有本室

操江耿公定力題

灑掃應對便是形而上者 日用平常只要  
默而識之 縣令耿公橘題

闇然日章

總漕李公三才題

藏心于淵神不外也 至誠能化吾何知焉

縣令耿公橘題

體聖堂

巡按楊公廷筠題

日用非他常行便為至聖 羨墻何物神堯

就是吾心

縣令耿公橘題

體認天理

巡鹽左公宗郢題

何處非天眼前正好識認 吾身是理此外

更何尋求

縣令耿公橘題

鳶飛魚躍

巡江李公雲鵠題

識得時活潑潑地

拈到手赤灑灑而

縣令耿公橘題

慎獨

巡倉孫公居相題

有嚴有翼非有

無聲無臭非無

縣令耿公橘題

戒慎恐懼

兵憲楊公洵題

耳目不着處

戰兢無息時

縣令耿公橘題

大明大行

兵憲蔡公獻臣題

明是自家明行是自家行工夫不靠他人

明是明自家行是行自家學問只求諸已

縣令耿公橘題

天下之人五品吾身之用四節以節節品品  
迺道 賢者之行三德聖人之學一貫以貫  
貫德德迺天 縣令耿公橘題

脫凡近遊高明 郡守李公右諫題

明心見性卽詩書所稱何加 易俗遺風則  
禮樂之用爲急 郡守李公右諫題  
一邑絃歌髣髴東周氣象 千年俎豆於昭

南國精華 郡守李公右諫題

聖人就在凡近只是善脫 學者無不高明  
却要能遊 縣令耿公橘題

願學孔子 縣令耿公橘題

志孔子之志老安少懷友信 學孔子之學  
命知耳順心從 縣令耿公橘題

得聞性天 縣令耿公橘題

悟徹形色埃塵迺有真得 打破性天窠臼  
方是真聞 縣令耿公橘題

富美門

縣令耿公橘題

富貴尊榮一性中富斯至矣 美大聖神超

世外美何加焉

縣令耿公橘題

得門

縣令耿公橘題

宮牆東魯聳千尋此中須另有世界  
門戶三吳闢一逕這裏莫錯過路頭

縣令耿公橘題

游藝門

縣令耿公橘題

道德仁爲藝之體明了道德仁卽明了藝

志據依爲游之用不能志據依必不能游

縣令耿公橘題

樂壽門

縣令耿公橘題

合體處山非山水非水乾坤都歸這裏  
呈效處山是山水是水這裏放出乾坤

縣令耿公橘題

虞山書院

縣令耿公橘題

學術正人心自淑

教化行風俗斯美

縣令耿公橘題



高山仰止

錫山侯先春題

登斯樓也怡然曠然不覺莞爾而笑便見愛人易使心從自性流出望茲丘也譬如鬲如曷勝仰止之思當知禮樂文明化由誰氏得來

錫山侯先春題

經正門

錫山侯先春題

六經皆聖賢心精詎云糟粕一貫即學者忠恕亦非神奇錫山侯先春題

邑人嚴澂題

埋頭倘識為輪意舉日常新破卷心

邑人嚴澂題

佐工佐茶佐書

附

官師

巡撫周公孔教佐工肆拾兩又佐茶拾兩

巡按楊公廷筠佐工參拾兩

巡鹽左公宗郢佐工參拾兩又佐茶拾兩

巡鹽方公大鎮佐茶拾兩

巡江李公雲鵠佐工貳拾兩

兵憲蔡公獻臣佐工拾伍兩又佐綱目一部  
郡守李公右諫佐工貳拾兩

縣令耿公橘獎銀壹伯兩俸銀貳拾兩儒學教  
諭黃家謀俸銀叁兩訓導化大順朱朝選俸  
銀各貳兩縣丞樓汝棟趙繼俊主簿王化曾  
承忻典史俞鈺俸銀各叁兩俱佐工

民部李公喬岱叁兩太倉李公世鰲伍兩崑山  
王公時熙陸兩長洲祁公承燦陸兩吳江馮公  
任陸兩崇明劉公孔祺叁兩無錫林公宰拾兩

江陰余公士奇拾兩府學王公道元三兩

以上俱佐茶

鄉紳 良民附

沈大參應科顧太常雲程各拾兩蔣侍御以  
化伍拾兩蕭觀察應宮肆拾兩錢侍御岱嚴  
郡伯澂翁給諫憲祥瞿繕部汝說錢二守達  
道各貳拾兩陳郡伯國華陸郡伯化淳顧大  
參雲鳳邵駕部整翁清豐愈祥徐封公樹德  
徐分宜待聘錢進士時俊顧節推大章陸二

守枝陸封公重科張二守仲孝瞿左擊汝益  
各拾兩嚴中翰澤叁拾兩徐刑部昌祚徐中  
翰汝良各肆拾兩瞿運長汝稷張都閫景房  
各五兩陳兵務禹謨張節推世昌何嶧縣允  
濟譚州同光宗各叁兩張武康萬齡趙憲幕  
琦美各六兩范別駕鳴鳳柒拾兩錢別駕懋  
績王都幕宇熙秦州同應元各拾兩陳別駕  
琦范光祿紹祖各貳拾兩張光祿受慶五拾  
兩栢光祿晚成朱州同士達各壹伯兩程光  
祿聞化拾捌兩顧藩幕利賓寅賓共貳拾肆  
兩周掌教汝禎薛掌教志學各貳兩歸孝廉  
紹慶陳孝廉繩武各貳拾兩陳孝廉星樞拾  
兩翁孝廉應祥伍兩管孝廉一德肆兩張孝  
廉大受顧孝廉雲鴻程孝廉玉潤戴孝廉元  
威徐孝廉待任蔣貢士以行各叁兩陸孝廉  
化熙孫孝廉森吳孝廉汝第錢孝廉謙益楊  
貢士學禮陳貢士應鵬宋貢士懋中各貳兩  
歸貢士學周陸拾兩監生譚伯翊壹伯兩譚

應明壹伯兩米貳拾石何允澄肆拾兩周景  
元周景星共肆拾兩生員蕭可繼嚴柎歸紹  
隆各拾貳兩顧嘉賓嚴楷周景仲栢起宗錢  
世美各拾兩徐待賓沈春澤何允泓歸紹英  
歸紹宗歸士璉歸士瑤黃定志吳振珩各伍  
兩瞿純仁顧大韶何士模盛養浩譚胤昌譚  
胤楊蔣節顧臨亨殷國忠譚文炳丁秉淳徐  
錫鼎李之實沈汝孝翁蕙祥翁毓華瞿日升  
陳大和徐立敬各叁兩趙祖美趙隆美各陸

兩蔣國瑜蔣國珙王維翰王維祺王輔臣王  
良臣王運昌錢寧時蔣國佐各貳兩顧鼎輔  
顧良弼張紹慶各肆兩楊道成楊彝共拾叁  
兩陳必謙陳必謹錢翼明錢翼運各壹兩伍  
錢黃仕玄黃儀玄各叁兩邵濂張崇慶張福  
慶許重華何德潤陸泰交毛澄錢良棟趙用  
貴各壹兩錢從夏王維喬王憲臣王憲曾王  
憲旦趙用貞趙啟獻包國榮包萬象各伍錢  
沈蕃錫沈載錫徐紹科各貳錢連士英陳際

時各壹錢良民張善教許應春周柝張學霍  
輔呂迪吳雷席岑仲章姚鏐吳億侯王宙翁  
忠祥各拾兩何漁吳元淳各叁拾兩顧煥王  
詩各肆拾兩沈彬朱士傑蘇全惠趙葵王林  
各貳拾兩趙徵拾貳兩徐賓拾兩伍錢殷泮  
潘播茅倫景暘顧德茂張秀張評王佩曹華  
范堯鑰衛默王繼詩王梁各伍兩徐梁捌兩  
許運顧臣仲希顧珀瞿杞各叁兩張浦孟曉  
孫成朱永昌歸正歸秀錢遇周熙姚賢顧耿  
光顧感顧台光錢德懋戴尚德周湘陳鈇各  
貳兩戈灌吳里蕭格夏士光顧江瞿允孚朱  
堅陳畦李珀周稼吳華吳英時滂錢鈔各壹  
兩薛章恩伍錢秦台耀米貳拾石

以上俱佐工

縣令耿公續發請詳及設處銀叁伯柒拾捌兩  
肆錢柒分壹厘柒毫米叁拾陸石俱佐工  
又沈大叅應科伍兩又貳兩蕭觀察應宮拾  
兩蔣侍御以化捌兩又貳兩徐刑部昌祚陸

封公重科各貳兩邵駕部鑿嚴郡伯澂嚴中  
翰澤共伍兩陳郡伯國華陸貳守枝各貳兩  
錢進士時俊徐中翰汝良各肆兩張都閩景  
房壹兩吳孝廉汝第貳兩

以上俱佐茶

又沈大叅應科伍兩范別駕鳴鳳拾兩陳孝  
廉繩武捌兩陸孝廉化熙孫孝廉森徐孝廉  
待任錢孝廉謙益吳孝廉汝第各叁兩歸貢  
士學周貳拾兩公正朱訥拾兩

以上俱佐書

以上工銀共貳千捌百貳拾貳兩柒錢柒  
分壹厘柒毫米柒拾陸石茶銀共壹佰叁  
拾叁兩書銀共陸拾捌兩

又嚴郡伯澂修讀書臺壹所嚴中翰澤立聖  
賢小像碑石共貳拾貳座徐分宜待聘浚墨  
井一眼立王少保碑文壹座翁給諫憲祥翁  
清豐愈祥翁孝廉應祥共立碑文壹座徐中  
翰汝良立申少師碑文一座孫孝廉森立有

本室碑記一座

附耿令公義助記

匹夫而承五帝三王之統者孔子一人而已  
故孔子以前五帝三王之統天統也非人也  
孔子以後秦漢唐宋之統人統也非天也人  
可絕而天不可絕自然之理也孔子之門惟  
顏淵曾輿爲之最次之卽言游夫大江以南  
得孔子之天統者言子一人而已有書院而  
毀之伊何人哉嗚呼天則民彝不可磨滅私

憎作惡祇是徒勞有其昧之明乃昭焉有其  
疵之醇乃大焉有其廢之興乃勃焉此非人  
力所能爲也天也若鄉宦蔣侍御等鄉民王  
詩等助銀復建 言子書院者皆天則民彝  
中人物矣豈非本縣之所喜談樂道者乎本  
縣此役亦隨良士民後順風而呼云爾工完  
不可無記記良士民之姓名矧一時上官多  
嘉與其役而給助者尤不可無記於是乎言